

Frumvarp til laga

um breytingu og afnám ýmissa lagaákvæða varðandi verðtryggingu neytendasamninga

Flm.: [*f.h. Hagsmunasamtaka heimilanna*]

I. KAFLI

Breyting á [lögum nr. 38/2001 um vexti og verðtryggingu](#), með síðari breytingum.

1. gr.

Við 13. gr. laganna bætist ný málsgrein, svohljóðandi:

Neytendalán, þar með talin lán til kaupa á íbúðarhúsnæði, falla ekki undir ákvæði þessa kafla.

II. KAFLI

Breyting á [lögum nr. 121/1994 um neytendalán](#), með síðari breytingum.

2. gr.

1. mgr. 12. gr. laganna fellur brott.

II. KAFLI

Breytingar á [lögum nr. 21/1992 um Lánasjóð íslenskra námsmanna](#), með síðari breytingum.

3. gr.

3. másl. 5. mgr. 6. gr. laganna orðast svo:

Ábyrgðir geta m.a. verið ábyrgðaryfirlýsing fjármálastofnunar eða yfirlýsing ábyrgðarmanns um sjálfskuldarábyrgð á endurgreiðslu námsláns ásamt vöxtum allt að tiltekinni fjárhæð.

4. gr.

1. og 2. mgr. 7. gr. laganna falla brott.

5. gr.

Eftirfarandi breytingar verða á 8. gr. laganna:

a. 2. mgr. orðast svo:

Fastagreiðslan er 100.000 kr. miðað við launavísitölu 370 nema eftirstöðvar láns ásamt vöxtum og öðrum áföllnum gjöldum séu lægri. Þessi upphæð breytist á hverju ári í hlutfalli við launavísitölu í janúar hvers árs.

b. 4. mgr. fellur brott.

6. gr.

1. mgr. 9. gr. orðast svo:

Hverri endurgreiðslu skal skipt í höfuðstól, vexti, og annan lánskostnað.

II. KAFLI

Breytingar á [lögum nr. 44/1998 um húsnæðismál](#), með síðari breytingum.

7. gr.

1. tl. 10. gr. laganna orðast svo:

Með tekjum af eigin fé sjóðsins, þ.e. afborgunum, vöxtum og öðrum gjöldum sem sjóðurinn innheimtir af veittum lánum.

8. gr.

3. og 4. másl. 1. mgr. 19. gr. laganna falla brott og í staðinn kemur nýr málslíður, svohljóðandi: ÍLS-veðbréf skal bera vexti skv. 21. gr.

9. gr.

Eftirfarandi breytingar verða á 21. gr. laganna:

a. 2. másl. 2. mgr. orðast svo:

Frá og með þeim degi greiðir sjóðurinn út höfuðstól keypts ÍLS-veðbréfs án vaxta.

b. 1. og 2. másl. 4. mgr. falla brott.

c. á eftir 4. mgr. kemur ný málsgrein, svohljóðandi:

Vextir af ÍLS-veðbréfum geta verið breytilegir eða óbreytanlegir allan lánstímann.

Íbúðalánasjóður skal setja reglur um vaxtakjör lána og með hvaða hætti þau geta tekið breytingum þegar um er að ræða breytilega vexti. Kveða skal í reglugerð nánar á um lágmarksbinditíma og endurskoðunartímabil breytilegra vaxta.

10. gr.

1. másl. 1. mgr. 23. gr. orðast svo:

Íbúðalánasjóður innheimtir afborganir, vexti og önnur gjöld af ÍLS-veðbréfum og ráðstafar því fé sem þannig innheimtist til endurgreiðslu fjármögnunarbréfa sjóðsins.

11. gr.

2. másl. 24. gr. orðast svo:

Stjórn Íbúðalánasjóðs gerir tillögu til ráðherra um vexti, endurgreiðsluform, lánstíma og aðra skilmála í hverjum flokki.

12. gr.

2. másl. 1. mgr. 25. gr. orðast svo:

Endurgreiðslur fjármögnunarbréfa bera ekki vexti eða önnur sambærileg gjöld eftir gjalddaga.

13. gr.

2. másl. 2. mgr. 30. gr. fellur brott.

14. gr.

1. másl. 4. mgr. 36. gr. laganna orðast svo:

Vextir af lánum til leiguíbúða geta verið fastir eða breytilegir.

15. gr.

3. másl. 2. mgr. 48. gr. orðast svo:

Heimilt er að fresta greiðslum tímabundið í heild eða að hluta, t.d. þannig að lánþegi greiði eingöngu vexti og sambærileg gjöld.

III. KAFLI

Breytingar á [lögum nr. 27/1968 um íbúðarhúsnæði í eigu ríkisins](#), með síðari breytingum.

16. gr.

4. másl. 5. gr. laganna fellur brott.

17. gr.

Ákvæði laganna til bráðabirgða skv. lögum nr. 134/1996 fellur brott.

IV. KAFLI

Breyting á [lögum nr. 50/1988 um virðisaukaskatt](#), með síðar breytingum.

18. gr.

Eftirfarandi breytingar verða á 7. gr. laganna:

a. 6.tl. 2. mgr. fellur brott.

b. Við greinina bætist ný málsgrein, svohljóðandi:

Vextir og sambærileg gjöld sem reiknuð eru við sölu með afborgunarskilmálum, teljast ekki með í skattverði enda sé sérstaklega tilgreint í kaupsamningi hver sú greiðsla sé hverju sinni.

V. KAFLI

Breyting á [lögum nr. 90/1989 um aðför](#), með síðar breytingum.

19. gr.

2. mgr. 1. gr. laganna orðast svo:

Aðför til fullnustu kröfu skv. 1. mgr. verður, eftir því sem við á, einnig gerð fyrir vöxtum og lögbundnum vanskilaálögum, kostnaði af kröfu, málskostnaði eða innheimtukostnaði, endurgjaldi kostnaðar af gerðinni sjálfri og væntanlegum kostnaði af frekari fullnustuaðgerðum.

VI. KAFLI

Breytingar á [lögum nr. 21/1991 um gjaldþrotaskipti o.fl.](#), með síðar breytingum.

20. gr.

1. máls. 3. mgr. laganna orðast svo:

Við ákvörðun heildarfjárhæðar hverrar samningskröfu skal miðað við stöðu hennar á þeim degi sem úrskurður gekk um heimild til að leita nauðasamnings, að meðtöldum vöxtum og öðrum sambærilegum greiðsluskuldbindingum sem kunna að hafa fylgt kröfunni á þeim tíma.

21. gr.

Eftirfarandi breytingar verða á 114. gr. laganna:

a. 1. tl orðast svo:

kröfur um vexti og sambærileg gjöld ásamt kostnaði af innheimtu kröfu skv. 112. eða 113. gr. sem hafa fallið til eftir að úrskurður gekk um að búið sé tekið til gjaldþrotaskipta,

b. 5. tl. orðast svo:

kröfur um vexti og sambærileg gjöld ásamt kostnaði af innheimtu kröfu skv. 2.–4. tölul. sem hafa fallið til eftir að úrskurður gekk um að búið sé tekið til gjaldþrotaskipta.

VII. KAFLI

Breyting á [lögum nr. 88/1991 um aukatekjur ríkissjóðs](#), með síðar breytingum.

22. gr.

2. másl. 2. mgr. 8. gr. laganna orðast svo:

Jafnframt er þinglýsing skilmálabreytinga á fasteignaveðlánnum til einstaklinga undanþegin þinglýsingargjaldi.

VIII. KAFLI

Breyting á [lögum nr. 90/1991 um nauðungarsölu](#), með síðar breytingum.

23. gr.

2. mgr. 6. gr. laganna orðast svo:

Til peningakröfu skv. 1. mgr. teljast eftir því sem átt getur við vextir og annað slíkt sem jafnan telst til lánskostnaðar, dráttarvextir og önnur samnings- eða lögbundin vanskilaálög, málskostnaður eða innheimtukostnaður, og kostnaður af kröfu, undanfarandi fullnustuaðgerðum, nauðungarsölnunni sjálfri og aðgerðum í tengslum við hana.

24. gr.

10. tl. 1. mgr. 28. gr. laganna orðast svo:

að kaupandi greiði gjöld af eigninni sem falla til eftir að uppboði lýkur, svo og vexti og annað slíkt sem jafnan telst til lánskostnaðar frá þeim tíma af veðskuldum sem hvíla áfram á henni, en eigi rétt til arðs af eigninni frá sama tíma,

25. gr.

1. másl. 3. mgr. 50. gr. laganna orðast svo:

Þegar ákveðið er í frumvarpi hvað greiðist af einstökum kröfum skal miðað við að vextir og annað slíkt sem jafnan telst til lánskostnaðar reiknist af þeim til þess dags sem uppboði lauk á eigninni.

IX. KAFLI

Breyting á [lögum nr. 97/1993 um Húsnæðisstofnun ríkisins](#), með síðar breytingum.

26. gr.

Eftirfarandi breytingar verða á 52. gr. laganna:

- a. 7. mgr. fellur brott.
- b. 11. mgr. fellur brott.

27. gr.

Eftirfarandi breytingar verða á 58. gr. laganna:

- a. 7. másl. 2. mgr. fellur brott.
- b. 8. og 9. másl. 2. mgr. falla brott og í staðinn kemur nýr málslíður svohljóðandi:

Vextir skulu vera þeir sömu og af lánum til kaupa á almennum kaupleiguíbúðum og teljast þeir jafnframt til byggingarkostnaðar.

28. gr.

2. másl. 2. mgr. 68. gr. laganna orðast svo:

Standi kaupandi að íbúð ekki í skilum með framlag sitt á réttum gjalddögum samkvæmt ákvörðun sveitarstjórnar fellur réttur hans til íbúðarinnar niður og fær hann þá endurgreitt það sem hann hafði þegar greitt, eigi síðar en við lok uppgjörs, uppreiknað í samræmi við breytingar á vísitölu byggingarkostnaðar frá því greitt var.

29. gr.

Eftirfarandi breytingar verða á 76. gr. laganna:

- a. 6. mgr. orðast svo:
Hætti leigutaki afnotum af íbúð skal eignarhluturinn endurgreiddur fullu verði.
- b. 7. mgr. fellur brott.

30. gr.

Eftirfarandi breytingar verða á 88. gr. laganna:

- a. 3. másl. 1. mgr. fellur brott.
- b. Á eftir 1. mgr. kemur ný málsgrein svohljóðandi:

Við greiðslur samkvæmt 1. mgr. bætast verðbætur samkvæmt opinberri vísitölu íbúðaverðs á viðkomandi svæði frá greiðsludegi til söludags, en heimilt er að miða við vísitölu byggingarkostnaðar ef vísitala íbúðaverðs liggur ekki fyrir.

31. gr.

Eftirfarandi breytingar verða á 89. gr. laganna:

- a. 2. másl. 1. mgr. 89. gr. laganna fellur brott.
- b. Á eftir 1. mgr. kemur ný málsgrein svohljóðandi:

Verðbætur samkvæmt 1. mgr. skulu miðast við opinbera vísitölu íbúðaverðs á viðkomandi svæði, en heimilt er að miða við vísitölu byggingarkostnaðar ef vísitala íbúðaverðs liggur ekki fyrir.

X. KAFLI

Breyting á [húsaleigulögum nr. 36/1994](#), með síðar breytingum.

32. gr.

Eftirfarandi breytingar verða á 4. tl. 1. mgr. 4. gr. laganna:

- a. 1. másl. orðast svo: Tryggingarfé sem leigjandi greiðir til leigusala og hann varðveitir á vörslureikningi í sínu nafni hjá banka eða sparisjóði.
- b. 4. másl. fellur brott.
- c. 6. másl. orðast svo: Ella skal hann skila leigjanda allri innstæðu af vörslureikningi tryggingafjár með áföllnum vöxtum án ástæðulauss dráttar.

XI. KAFLI

Breyting á [lögum nr. 27/1997 um uppgjör á vangoldnum söluskatti, launaskatti, tekjuskatti og eignarskatti](#), með síðar breytingum.

33. gr.

1. mgr. 4. gr. laganna orðast svo:

Skuldabréf, sem gefin eru út til greiðslu á skattaskuld, sbr. 3. gr., skulu ekki vera til lengri tíma en fjögurra ára. Skuldir samkvæmt bréfunum skulu bera að hámarki sömu vexti og Seðlabanki Íslands birtir sem almenna útlánsvexti til viðmiðunar samkvæmt lögum um vexti og verðtryggingu. Þó skal sá hluti skuldar sem gerður er upp innan tveggja ára frá útgáfudegi bera að hámarki 5% vexti.

XII. KAFLI

Gildistaka o.fl.

34. gr.

Lög þessi öðlast þegar gildi. Jafnframt falla úr gildi [lög nr. 81/1983 um heimild til að fresta greiðslum vegna verðtryggðra íbúðalána](#), [lög nr. 63/1985 um greiðslujöfnun fasteignaveðlána til einstaklinga](#) og [lög nr. 50/2009 um tímabundna greiðsluáðlögun fasteignaveðkrafna á íbúðarhúsnæði](#).

35. gr.

Ákvæði til bráðabirgða:

Við lög nr. 121/1994 um neytendalán bætist nýtt ákvæði til bráðabirgða, svohljóðandi:

Um endurmat og uppgjör neytendalánasamninga er reynast innihalda ákvæði um verðtryggingu eða vexti sem teljast ógild, skulu gilda ákvæði laga um neytendalán, vaxtalaga, samningalaga einkum 36. gr., sem og almennar reglur kröfuréttar eftir atvikum hverju sinni.

Athugasemdir með frumvarpi þessu

Með breytingum sem lagðar eru til í frumvarpi þessu yrðu ýmis lagaákvæði sem notuð hafa verið til réttlætningar ótakmarkaðrar verðtryggingar neytendalána afnumin. Jafnframt er lagt til að afnumin verði ýmis ákvæði sem færð hafa verið í lög vegna áhrifa verðtryggingar á neytendalánamarkaði hér á landi. Þrátt fyrir breytinguna myndu þó eftir sem áður gilda lög um neytendalán nr. 121/1994 og vaxtalög nr. 38/2001 nema hvað neytendalán yrðu undanskilin VI. kafla þeirra um verðtryggingu.

Ýmis önnur lagaákvæði er varða verðtryggingu og vísitölutengingu

Í fylgiskjali er yfirlit yfir ýmis fleiri lög sem geyma ákvæði um verðtryggingu og vísitölutengingu. Auk þeirra er jafnframt mjög víða í lögum vísað með einum eða öðrum hætti til laga nr. 38/2001 um vexti verðtryggingu, varðandi dráttarvexti eða aðra opinbera viðmiðunarvexti. Þar sem slík ákvæði eiga ekki við um verðtryggingu sérstaklega eru þau undanskilin breytingum samkvæmt frumvarpinu.

Auk þess er í lögum um [fjármálafyrirtæki](#), [verðbréfavíðskipti](#), [fagfjárfestingasjóði](#), [greiðsluþjónustu](#) o.þ.h. getið um vísitölutengingu á ýmsum stöðum í samhengi þar sem um er að ræða skilgreiningar á slíkum eiginleikum ákveðinna tegunda fjármálagjörninga sem þekktir eru í því samhengi. Aftur á móti er ekki að finna í þeim nein ákvæði varðandi verðtryggingu neytendalána sérstaklega og eru þau þar af leiðandi einnig undanskilin breytingum samkvæmt frumvarpinu.

Fylgiskjal I: Yfirlit ýmissa lagaákvæða er varða verðtryggingu og vísitölutengingu

Auk þeirra laga sem eiga við um verðtryggingu neytendalána og -samninga eru ýmis önnur lög í lagasafni Alþingis sem innihalda ákvæði varðandi verðbætur, verðtryggingu eða vísitölutengingu af einhverju tagi. Leit í lagasafninu eftir lykilorðunum “verðtrygging, verðtryggð, verðbætur, vísitala” skilar fjölmörgum niðurstöðum til viðbótar við þau lög sem frumvarpið nær til með einhverjum hætti. Eftirfarandi er lauslega flokkað yfirlit þeirra laga sem þetta á helst við um.

I. Lög og reglugerðir sem ýmsar vísitölur grundvallast á

[1976 nr. 44 25. maí Lög um Fiskveiðasjóð Íslands](#) (fallin úr gildi með [lögum nr. 60/1997 um FBA](#))
[1984 nr. 5 22. mars Lög um vísitölu framfærslukostnaðar og skipan Kauplagnsefndar](#) (fallin úr gildi)
[1987 nr. 42 30. mars Lög um vísitölu byggingarkostnaðar](#) (VBK, notuð í tengslum við framkvæmdir)
[1989 nr. 89 31. maí Lög um launavísitölu](#) (LVT, myndar vegin m. atvinnustigi greiðsluþjónunarvísitölu)
[1991 nr. 277 14. júní Reglugerð fyrir Fiskveiðasjóð Íslands](#) (Reikningseining Fiskveiðasjóðs, RFÍ)
[1995 nr. 12 2. mars Lög um vísitölu neysluverðs](#) (VNV, leysti af hólmi vísitölu framfærslukostnaðar)
[2001 nr. 38 26. maí Lög um vexti og verðtryggingu](#) (einkum 10. gr. um vaxtaviðmið Seðlabanka Ísl.)

II. Lög sem gera ráð fyrir verðbótum eða verðtryggingu með almennum hætti

[1992 nr. 87 17. nóvember Lög um gjaldeyrismál](#) (vextir og verðbætur undanþegin gjaldeyrishöftum)
[1997 nr. 75 28. maí Lög um samningsveð](#) (heimild til að binda fjárhæð í veðbréfi við hækkun samkvæmt vísitölu eða gengi miðað við skráða grunntölu verðtryggingar)
[2004 nr. 99 9. júní Lög um sölu fasteigna, fyrirtækja og skipa](#) (upplýsingaskylda um verðtryggingu áhvílandi veðskulda í söluyfirliti eftir því sem við á)
[2007 nr. 150 20. desember Lög um fyrningu kröfuréttinda](#) (fyrning krafna vegna verðbóta)
[2010 nr. 101 2. júlí Lög um greiðsluáðlögun einstaklinga](#) (upplýsingaskylda og tengingar við LVT)

III. Lög um skatta og opinber gjöld sem gera ráð fyrir verðbótum og verðtryggingu

[1989 nr. 52 29. maí Lög um ráðstafanir gegn umhverfismengun af völdum einnota umbúða fyrir drykkjarvörur](#) (tenging hækkana á skilagjaldi við VNV)

[1995 nr. 4 30. janúar Lög um tekjustofna sveitarfélaga](#) (verðbætur á ógreitt og ofgreitt útsvar)

[1996 nr. 94 14. júní Lög um staðgreiðslu skatts á fjármagnstekjur](#) (skattskylda verðbóta)

[2003 nr. 90 7. maí Lög um tekjuskatt](#) (skattskylda verðbóta og tenging skattstofna við LVT)

[2004 nr. 14 26. mars Lög um erfðafjárskatt](#) (skattskylda áfallinna verðbóta á fjármagnseignir)

[2006 nr. 153 15. desember Lög um gatnagerðargjald](#) (tenging gatnagerðargjalda við vísitölu byggingarkostnaðar og endurgreiðslu eldri ofgreiddra gatnagerðargjalda við vísitölu neysliverðs)

[2011 nr. 109 16. september Lög um skattlagningu á kolvetnisvinnslu](#) (skilgreining verðbóta sem hluta frádráttarbærs fjármagnskostnaðar)

IV. Lög varðandi verðtryggingu lífeyrisréttinda, almannatrygginga og skyldutrygginga

[1972 nr. 53 29. maí Lög um orlof húsmæðra](#) (tenging orlofs við VFK/VNV)

[1994 nr. 48 6. maí Lög um brunatryggingar](#) (tenging váttryggingarfjárhæða við VBK)

[1996 nr. 65 5. júní Lög um réttaraðstoð við einstaklinga sem leita nauðasamninga](#) (tenging við VNV)

[1997 nr. 1 10. janúar Lög um Lífeyrissjóð starfsmanna ríkisins](#) (tenging grundvallarlauna við VNV)

[1997 nr. 129 23. desember Lög um skyldutryggingu lífeyrisréttinda og starfsemi lífeyrissjóða](#) (verðtrygging lífeyrisréttinda m.v. VNV)

[1997 nr. 138 23. desember Lög um húsaleigubætur](#) (tenging hámarksfjárhæðar við VNV)

[1998 nr. 155 28. desember Lög um Söfnunarsjóð lífeyrisréttinda](#) (tenging barnalífeyris við VNV)

[1999 nr. 12 11. mars Lög um Lífeyrissjóð bænda](#) (tenging grundvallarlauna við VNV)

[1999 nr. 98 27. desember Lög um innstæðutryggingar og tryggingakerfi fyrir fjárfesta](#) (verðbætur)

[2000 nr. 111 25. maí Lög um sjúklingatryggingu](#) (tenging hámarks bótafjárhæðar við VNV)

[2007 nr. 100 11. maí Lög um almannatryggingar](#) (tenging bótafjárhæða við VNV)

[2010 nr. 47 28. maí Lög um sanngirnibætur fyrir misgjörðir á stofnunum eða heimilum sem falla undir lög nr. 26/2007](#) (tenging bótafjárhæða við VNV)

V. Lög varðandi verðtryggingu og verðbætur í atvinnurekstri og opinberum rekstri

[1955 nr. 3 6. mars Lög um skógrækt](#) (verðtrygging skógræktarstyrkja m.v. VBK)

[1983 nr. 79 28. desember Lög um innlenda lánsfjárfloflun ríkissjóðs](#) (verðtrygging ríkisskuldabréfa)

[1993 nr. 99 8. september Lög um framleiðslu, verðlagningu og sölu á búvörum](#) (tengingar við VNV)

[1997 nr. 49 23. maí Lög um varnir gegn snjóflóðum og skriðuföllum](#) (verðtryggð lán ofanflóðasjóðs)

[1997 nr. 60 26. maí Lög um stofnun Fjárfestingarbanka atvinnulífsins hf.](#) (verðtrygging m.v. RFÍ)

[1998 nr. 153 28. desember Lög um byggingarsamvinnufélög](#) (tenging forkaupsverðs við VBK)

[2004 nr. 80 9. júní Ábúðarlög](#) (tenging kaupverðs í vissum tilfellum við VBK)

[2007 nr. 84 30. mars Lög um opinber innkaup](#) (tenging viðmiðunarfjárhæða við VNV og upplýsingaskylda um verðbætur í útboðsgögnum eftir því sem við á)

[2008 nr. 75 11. júní Lög um frístundabyggð og leigu lóða undir frístundahús](#) (upplýsingaskylda um verðtryggingu í leigusamningi ef við á, og jafnframt grundvöllur mats á leiguverði við framlengingu)

[2012 nr. 74 26. júní Lög um veiðigjöld](#) (tengingar við verðvísitölur sjávarafurða og VBK)

VI: Lög sem kveða á um vísitölutengingu stofnfjár og rekstrarfjármuna

- [1988 nr. 19 5. maí Lög um sjóði og stofnanir sem starfa samkvæmt staðfestri skipulagsskrá](#)
- [1991 nr. 22 27. mars Lög um samvinnufélög](#) (almenn verðtrygging séreignarluta í stofnsjóði)
- [1997 nr. 61 26. maí Lög um Nýsköpunarsjóð atvinnulífsins](#) (tenging lágmarks eigin fjár við VNV)
- [1999 nr. 33 19. mars Lög um sjálfseignarstofnanir sem stunda atvinnurekstur](#) (tenging við VNV)
- [2002 nr. 161 20. desember Lög um fjármálafyrirtæki](#) (stofnfjárhækkun sparisjóða hámarkast af VNV)
- [2007 nr. 110 26. júní Lög um kauphallir](#) (tenging starfsábyrgðartryggingar við VNV)
- [2010 nr. 56 10. júní Lög um váttryggingastarfsemi](#) (tenging viðmiðunarfjárhæða lágmarksgjaldþols tryggingafélaga við samræmda vísitölu neysliverðs í aðildarríkjum Evrópska efnahagssvæðisins)

VII. Lög þar sem ýmsar viðmiðunarfjárhæðir eru vísitölutengdar

- [1993 nr. 50 19. maí Skaðabótalög](#) (tenging viðmiðunarfjárhæða við LKV)
- [1994 nr. 93 20. maí Lyfjalög](#) (tenging eftirlitsgjalds við körfu LVT og VNV)
- [1996 nr. 45 17. maí Lög um mannanöfn](#) (tenging hámarks sektarfjárhæða við VNV)
- [1997 nr. 71 28. maí Lögræðislög](#) (tenging fjárhæða ýmissa gjalda við VNV)
- [1999 nr. 44 22. mars Lög um náttúruvernd](#) (tenging lágmarksfjárhæðar sekta við VNV)
- [2003 nr. 61 27. mars Hafnalög](#) (allar verðmætaviðmiðanir tengdar VNV)
- [2003 nr. 87 26. mars Lög um Orkustofnun](#) (greiðslur fyrir kostnað tengdar VNV)
- [2006 nr. 95 13. júní Lög um landshlutaverkefni í skógrækt](#) (tenging framlaga til skógræktar við VNV)
- [2008 nr. 72 11. júní Lög um Fiskræktarsjóð](#) (tenging viðmiðunarfjárhæða við VNV)
- [2011 nr. 57 1. júní Lög um skil menningarverðmæta til annarra landa](#) (tenging við VNV)